

Visoki predstavnik Valentin Inzko izrazio podršku samitu BiH, Srbije i Turske



Visoki predstavnik Valentin Inzko sastao se danas u Sarajevu sa ministrom vanjskih poslova Turske Ahmetom Davutoğluom.

Visoki predstavnik se zahvalio ministru Davutoğluu na snažnoj posvećenosti Turske kada su u pitanju stabilnost i razvoj Bosne i Hercegovine, kao i na njegovom ličnom doprinosu. S tim u vezi, Inzko je izrazio snažnu podršku predstojećem trilateralnom samitu. „Turska je preuzela neprocjenjivu ulogu u promoviranju pozitivnih odnosa u regiji,“ rekao je visoki predstavnik.

Visoki predstavnik Inzko obavijestio je ministra Davutoğlua o trenutnoj političkoj situaciji u Bosni i Hercegovini, uključujući i aktualnu političku krizu u Federaciji BiH, kao i osporavanja Dejtonskog mirovnog sporazuma i vladavine prava.